

DE LA FRANCE. 415
tans du Calvinisme ayent posse
dé de grandes terres en ce país,
toutes fois il n'a esté en leur puis
sance d'esbranfler tât soit peu ce
peuple bien affectionné à l'Egli
se Romaine.



DV PAYS DE
POICTOU.



Le país de Poictou
est de grande esten
duë, ayant plus de
cent lieuës françois
ies en longueur, sça
uoir depuis le Limosin iusques
au Côté de Nantes, qui est du mi
di au Septentrion: & en largeur
il contient depuis le Berry, ius
ques à la mer, vers le lieu de
S. Michel en l'Her qui est de l'O
rient

rient à l'Occident: ayât mil deux cents Paroisses cōtenues en trois Eueschez, sçauoir de Poictiers, Luçon, & Millezais, dont nous parlerons cy apres.

Les Poicteuins ou habitans de Poictou sont descendus de certains Peuples nommez Scythes & Agathyrses: lesquels se fardoient les cheueux, & le visage, & pour ceste cause apellez *Picti*, qui signifie Paints. Ces Pictes estans sortis de leur païs, par seditions, & vagabonds par le monde, vindrent en Angleterre; & de là descendirent en Aquitaine, où ils bastirent vne ville qu'ils nommerent *Pictanis*, sçauoir Poictiers, plus de mille ans deuant la Natiuité de nostre Seigneur.

En Poictou y a cinq villes Royales ayans siege de Iustice, sçauoir Poictiers, Niort, Fontenay,

nay, Mommorillon, & Lufignan; & puis Ciuray erigé en Seneschauſſee, & pluſieurs autres villes & places, dont toucherons quelque choſe en paſſant.

FONDATION DE LA VILLE
de Poictiers, & autres
places.

L'Aville de Poictiers fut premierement baſtie, à vne lieuë de Chaſtelleraut, en vne place qu'on apelle encor de preſent le vieil Poictiers, où l'on trouue ſoubs terre des veſtiges, & reſtes de grandes murailles; mais ayant eſté ruinee; Elle fut rebastie au lieu où elle eſt de preſent (ſçauoir ſur la riuere de Clin) par les Poicteuins meſmes; ſoubs l'Empire de *Claudius*
ſuc

successeur de Caligula qui leur permit, & depuis accruë par plusieurs fois: Ceste ville est fort grande, & y a dans icelle plusieurs iardins & places vagues.

La Cité de Poictiers est vn Siege Presidial de plus grande estenduë qu'aucun du Royaume, ayant vn Seneschal, les Lieutenants General, Ciuil, Criminel, & Particulier, avec les Conseillers & autres gens de Iustice; puis le conseruateur de ceste ancienne Vniuersité, qui rend ceste ville fameuse par toute l'Europe, & y a plusieurs beaux Priuileges.

Le Palais de Poictiers fut basti par vn Comte de Poictou nommé Guillaume Gessroy, & aussi l'Abbaye de Monstierneuf aux Fauxbourgs, & le Prieuré & paroisse de S. Paul. Iceluy ayant commandé soixante cinq
ans

ans en Aquitaine mourut l'an de grace mil quatre vingt six.

L'vniuersité de Poictiers fut fondee & establie l'an de nostre Seigneur mil quatre cents trente vn; ioubs le Regne de Charles septiesme, & fut auçtorisee par les Bulles du Pape Eugene 4. du nom.

Les Poicteuins furent conuertis à la foy de l'Euangile par S. Martial premier Euesque de Poictiers; lequel preschant vn iour publiquement au lieu où est de present l'Eglise Cathedrale: Et en faisant la Predication, fut ouye vne voix qui dist, Reue-
lations
de la
mort
de S.
Pier-
re à S.
ual. *Martial ie suis ton maistre Iesus-Christ, qui t'aduertis que ce iourd'huy mon bien aymé Apostre Pierre, à esté crucifié pour mon nom à Rome: Et Mar- veux qu'à l'honneur d'iceluy, & en commemoration de son martyre tu faces icy bastir vne Eglise. Laquelle*

T

fut tost apres commencee à faire edifier par S. Martial; toutes-fois non en telle grâdeur, qu'elle est à present; Iusques au temps de Henry 2. du nom Duc de Normandie, depuis Roy d'Angleterre & vnziesme Duc d'Acquitaine; lequel ayant espousé Marguerite fille du Roy Louys le Ieune, fait accroistre la ville de Poictiers du circuit qu'elle est à present; & au mesme temps qui fut environ l'an mil cent soixante & douze, il fait recommencer & accroistre avec magnificence ladicte Eglise S. Pierre, par la priere & suasion de son Espouse; laquelle Eglise ne fut parfaicte iusques à plus de deux cents ans apres; & ne fut poursuivie suivant la premiere entreprise; parce que la vouste du milieu deuoit estre faite avec arcs boutans, par dessus les

les deux autres voustes, ainsi qu'on peut voir par les pilliers qui estoient bastis à ce dessein.

Environ trois cents ans apres la premiere fondation de l'Eglise S. Pierre, par S. Martial y eut vn Concile à Rome contre les Arriens : auquel S. Hylaïre assista, & disputa vertueusement. Et en son voyage ayant déclaré comme la susdicte Eglise de Poictiers auoit esté fondée par reuelation diuine, il demanda quelques reliques de S. Pierre; ce qui lui fut accordé : & apporta avec luy partie de la barbe de saint Pierre, qui est en la grande chaise de ladicte Eglise, laquelle fut acheuée l'an mil, trois cents soixante & dix neuf, & fut dediee & consacree le 17. d'Octobre par l'Euesque dudict lieu nommé Maumont, & y assisterent tous les Abbez du

*S. Hilaire
Euesque de
Poitiers.* Le susdict Pasteur des Poicti-
uins s. Hilaire, fut le dixiesme
en nombre, lequel fut le plus
grand Docteur de son temps, &
mourut l'an trois cents septan-
te deux: ayant esté fort affligé &
persecuté en son viuant, chassé,
banni, moqué, puis en fin fut
restabli en son Euesché. Il feit
infinis miracles apres sa mort &
pendant qu'il vescu, & laissa
plusieurs liures pleins de grande
doctrine, lesquels il auoit com-
posez.

Le Roy Robert feit bastir l'E-
glise de S. Hilaire à Poictiers, en
l'honneur du susdict Euesque.

L'abbaye de saint Cyprian de
Poictiers fut fondee par vn Eues-
que, nommé Frotaire, auparauât
Pasteur à Bordeaux, & puis par
transport Archeuesque de Bour-
ges, neantmoins fut contrainct
par

De la
le Pape de
mier siége
le Prieur
la Cell
indez par
me Telle
femme.
L'egl
de fut
cent fo
chard
d'Aquit
L'abb
tiers fut
de Poit
seur de
re: & y
saint
Colle
Pierre
ligieul
L
Croix
salle Ro

par le Pape de retourner en son premier siege.

Les Prieurez de s. Nicolas & de la Celle à Poictiers furent fondez par Guillaume surnomme Teste d'estoupe & Agnes sa femme.

L'eglise nostre Dame la grande fut fondee environ l'an mil cent soixante quatorze, par Richard Comte de Poictou, & Duc d'Aquitaine.

L'abbaye de la Trinité de Poictiers fut fondee par vn Comte de Poictou nommé Eblé, successeur de Guillaume le Debonnaire: & y mit des Religieuses qui estoient à S. Pierre le Pueillier; & vn College de Chanoines à saint Pierre, en la place desdictes Religieuses.

Le Monastere de Sainte Croix de Poictiers fut fondé par le Roy Clothaire, à la priere

& requeste de la femme Sainte Radegonde, laquelle y meit deux cents Religieuses yssuës des plus grandes & nobles maisons de France. Lediçt Clothaire y fonda aussi vne Eglise Collegiale de Chanoines au nom de nostre Dame, où s. Radegonde fut enterree: à cause dequoy ladicte Eglise est ores nommee s. Radegonde.

Le Couuent des Freres Mineurs de Poictiers fut fondé par Hugues & Guy de Luzignea, & augmenté de beaucoup par Alphôs Comte de Poictou, enuiron l'an 1267.

En la ville de Poictiers y a plusieurs autres Eglises & Monasteres iusques au nombre de trente deux ou enuiró. On trouue qu'il y a vingt sept Abbayes au Diocèse de Poictiers.

Au Siege Presidial de Poictiers

etiers ressortissent Luzignen,
 place bastie par Mellusine Da-
 me de Melle, & de Lusignen,
 Chasteleraut, qui est vn Duché
 bastie non loin du fleuve de
 Vienne, Mommorillon, la Basse
 Marche, Ledorat, comprenant
 vn traict de Lymosin, & de Ber-
 ri, Fontenay le Comte Niort, qui
 est vne bonne ville & marchan-
 de, Ciuray & s. Maixent, qui n'e-
 stoit iadis qu'vn petit Hermita-
 ge, ou cellule la où demeuroit s.
 Maixent, duquel ceste place por-
 te le nom.

Il y a encor plusieurs autres
 villes, comme Thoüars Vicom-
 té, auoisinant le païs de Tou-
 raine & d'Aniou; qui estoit au-
 tresfois de l'ancienne maison
 d'Amboise, Melle, la Roche
 Suryon, principauté appartenan-
 te à la Royale maison de Bour-
 bon, Chizé, Chauigny, Angle,

Luffac, Oyruan, saint Lou, Bressuire, le Blanc qui est du ressort de Mommorillon, quoy qu'il soit du Diocèse de Bourges, Charoux lieu célébré, à cause qu'en l'Abbaye d'icelle ville estoit la chair coupee du prepuce de nostre Seigneur à sa Circuncision, Gençay, & vn nombre infini de Chastelenies & grosses Bourgades: telles que sont la Chasteigneraye, Saint Mesmim, Saint Gilles sur Vin, Paluyau, les Sables, Aulonne, Mareuil, Sainte Hermine, Montagu, la Motte saint Beraye, Coué, qui est vne ville close, Viuonne ancienne & illustre famille, Chastellacher, s. Hilaire, Mortemer, maison iadis fort honorable, & qui a esté en autorité & alliee en Angleterre. Lezay, Saint Sauin, Lisle, Iourdain, s. Benoit du

*Charoux
place
remar-
qua-
ble.*

du Sault, Bourganeuf, Maigné,
 Brigueil l'Asne, Vouvent, Mer-
 uent, Chief-betonne, Tuffon,
 Villefaignant, Marcilhac, Cha-
 steau-neuf, Villeneuve la Com-
 tesse, Dompierre, Puygarreau,
 Gironde, Iarnac, Argenton,
 Puy Belliard, la Creue, Cheze
 le Vicomte, Moteachard, Af-
 premond, Comiquiers, Rie,
 s. Michel en l'Her, sise en vne
 solitude, non loin de la mer,
 & pource dicté en l'her, comme
 qui diroit en l'Hermitage; puis
 sont encor Bournizieux, la
 Canache, Mauleon, Mortai-
 gne, Tiffauges, Roche Seruie-
 re, Aunay, & la Roche Chou-
 ard, des plus anciennes maisons
 de Poictou. Les Essars, Pouzan-
 ges, la Flereliere, Bazoges,
 Chasteaumur, Prahec, Mon-
 gamer, le Fou, Menigouste,
 Bonniuet, & autres places for-

res, comme Talmond, ancienne principauté, appartenante à l'illustre maison de la Trimoille, laquelle place semble estre ainsi nommée; comme qui diroit Talon du monde, pour estre sur l'extremité de la Gaule Aquitanique. En Poictou est aussi la ville & chasteau de Sanzay fise sur vne petite colline entre deux riuieres és limites d'Aniou & Poictou.

Il y a eu grand nombre de sçauans & illustres personnages qui ont sorti de Poictiers, excellents en toutes facultez, entre lesquels a esté Gillebert Poreran 60. Euesque de Poictiers, homme de grandes lettres, neantmoins soupçoné d'Herésie au Concile de Rheins; pour ce qu'il escriuoit les passages de la s. Escriture avec trop d'obscurité; comme s'il eust voulu ca-
cher

cher quelque venin par telles
obscuritez.

A Poictiers l'ó void les ruines
d'vn ancien Theatre nommé les
arenas, basty par les Romains, &
les vestiges de plusieurs cauer-
nes & prisons soubz terraines, où
l'on mettoit les bestes sauuages;
aupres estoit vn palais, dict le
Palais Galienne, basti par Galien
Empereur.

Guillaume cinquiesme du
nom Comte de Poictou s'estant
sagement gouverné au com-
mencement de son aage, deuint
fort meschant sur le milieu, se
bandant contre le Pape, & de-
posant les Euesques de son païs,
pour y en mettre à son plaisir.
En fin il se conuertit & améda sa
vie, se rendant Hermitte, & passa
le reste de ses iours avec grande
austerité. Ce fut luy qui fut le
premier fondateur de l'ordre
des

des

des Blancs Manteaux, qu'on appelle de son nom Guillemins.

L'abbaye de Fronteuaux, au Diocèse de Poitiers fut fondée par le Seigneur de Monstreul-Bellay: Et du depuis grandement accreüe & enrichie par Héri Roy d'Angleterre, qui espousa Madame Alienor Duchesse d'Angleterre.

La ville de Poitiers a esté ruinée & saccagée par plusieurs fois, tât par les Romains, Goths. Vandales, que par les Huns, Danois, Saxons, Normands & Anglois. Et en fin ayant esté prise par les Calvinistes l'á mil cinq cents soixante deux: les lieux s. prophanez, les biens des Citoyens ravis & emportez, & la ville tombée en extreme misere: Mais le Roy ayant repris ceste place, el le fut encor assiegé par Gaspar de Coligni (lors admiral) & les com-

complices, battué, canonnee & tourmentee, mais vaillamment deffenduë par Henri de Lorraine, Duc de Guise, & autres Seigneurs & Capitaines. Sy bien que l'ennemi fut contrainct de se retirer: Ce fut en l'an mil cinq cents foixante neuf.

L'annee mesme & peu de temps apres, fut donnee la bataille de Mont-Contour, sur les fins de Poictou, vers la hante Bretagne, au grand desavantage des Calvinistes.

*Ba-
taille
de
Mont
Con-
tour.*

Les Isles de Ré & d'Oleron, sont aussi de la Contribution & finages de Poictou.

FON-



FONDATION DE LUÇON,
EUESCHE CON-
tenu au Poictou.

Luçon ne fut iadis qu'une Ab-
baye dediee au nom de no-
stre Dame , par *Lucius* , fils de
Sainte Helene ; lequel ayant
tué son frere aisné, fut banni du
païs , & condamné à tenir reli-
gion perpetuelle, & pour ce fai-
re son pere le meist surmer , en
vn Nauire garny de grandes ri-
chesses , & de reliques , avec
plusieurs prestres & autres de-
uotes personnes, qui se rendirét
par permission diuine au lieu de
present nommé Luçon, pres la
mer: où *Lucius* ayant pris port, y
fait bastir la susdicte Abbaye, &
l'apella de son nom Luçon, & en
icelle passa le reste de ses iours,
fort

fort vertueusement & en toute
saincteté de vie, avec les prestres
qui estoient avec lui.

Ladiète Abbaye fut erigee en
Euesché, environ l'an mil trois
cents soixante & vn, sous le
Pape Iean vingt deuxiesme; te-
nant le siege Episcopal de Poi-
ctiers Arnaut d'Auches, qui fut
Cardinal.

LA FONDATION DE
Maillezais.

Ceste ville n'estoit aussi an-
ciénement qu'une Abbaye,
laquelle fut fondée l'an sixiesme
du Regne du Roy Robert, sca-
voir l'an de nostre salut mil &
trois, par Guillaume duc d'Ac-
quitaine surnommé Teste d'E-
stoupe, & Adomalde son es-
pouse; ayans iceux fait assem-
bles

434 DESCRIPTION
bler à Poictiers, au mois de Iuing
l'Euesque dudit lieu nommé
Gilbert, Gombault Archeuesque
de Bordeaux, & autres Euesques
touchant la fondation de ladicte
Abbaye.

Ceste place fut erigee en Eues-
ché au mesme temps que Luçon,
& par le mesme Pape.

Les villes & places contenues
soubz Luçon & Maillezais sont
au denombrement des villes de
Poictou cy dessus.

FONDATION DE LA ROCHEL-
le & Comté d'Aulnis.

LE païs Rochelois, qui est le
Comté d'Aulnis s'estét plus
en largeur qu'en longueur, &
est limité du Poictou au leuant
& Septentrion, & au midi d'une
partie de Sainctonge au po-
rent

ment de la mer Oceane.

La ville de la Rochelle est située sur vn bras de mer , receuant deux fois le iour le flux & reflux de la mer, & de toutes parts presque enuironnee de marests, ayant vn bon port , & vn pais voisin des plus fertiles de la Gaule; & est ceste place presque imprenable, & des plus fortes qu'on scache voir. Les habitants d'icelle tiennent la doctrine de Caluin.

Ceste place ayant esté gouvernee anciennement par des chefs Angloys , fut remise en l'obeissance du Roy de France par les Citoyens, qui chasserent les Anglois. A cause dequoy furent octroyez plusieurs beaux priuileges à ceux de la Rochelle par le Roy Charles cinquiesme, l'an de grace mil trois cents soixante deux; à present ils ne veu-

veulent recognoistre aucuns seigneurs. A la Rochelle y à siege presidial avec les Conseillers & autres gents de Iustice.

Ceste ville a esté bastie depuis fix à sept cents ans, par les Rois de France, pour la commodité du port, & pour faire teste aux Pyrates, qui escumoint toute la coste Armorique.

La Rochelle est appelée par les anciens Autheurs, *Santonum Portus*, c. à d. le Cap, ou Promontoire des Saintongeois.



D V P A Y S D E
Saintonge.



Le pais de Saintongeois est d'assez belle estédue, du ql les villes principales sont Saintes, qui est la Capitale

le, s. Jeá d'Angeli, Merennes, Sou-
bise, Blaye, Ponts, Bourg, Barbe-
syeux, & autres villes, & Chaste-
lenies, en grand nombre.

Cepais est fort ancien : les
Saintongeois estãsnombrez par
graves Autheurs entre les pre-
miers de la Gaule. Et est limité à
l'Orient du pais Engoulesmois ;
au Ponent de l'Ocean, où sont
les Isles d'Oleron & de Maren-
nes, au Septentrion du pais Ro-
chelois, & au midi du Bordelois,
& pais d'entre deux mers selon
la riuere de Dordonne. Le pais
de Saintonge est du ressort de
Bordeaux.

DE LA VILLE DE
Saintes.

CESTE ville est la Capitale du
Saintongeois, bastie par les
an-

DESCRIPTE
recoit
A la Rochelle
avec les Con
ents de Justic
ville a este bu
cents ans. pa
ce, pour la
, & pour
s, qui eicun
rmorique.
ochelle est
iens Auth
à d. le Cap,
s Saintong

P A I
Saintong
E pais de
est d'alle
duqll
Saintes

anciens Gaulois, & laquelle fut jadis apelée *Mediolanium*, mais ce peuple ayant esté subiugué par Cæsar, & les Capitaines Romains, le nom de la ville fut changé.

Saintes est situee sur la fertile riuere de Charente, laquelle prend sa source en vn lieu apelé Charemac, entre Limoges & Engoulesme.

Pour tesmoignage de l'antiquité de Saintes, on void encor les ruines d'un Amphiteatre, qui raporte à celui qui fut à Perigues, hors de la ville, pres l'Eglise S. Eutrope, qui fut le premier Euesque Saintongeois (enuoyé par S. Clement) lequel ayant conuertit ce peuple à la foy Euágelique, fut martirizé sous Domitian l'Empereur.

Sur le pont de Charente, deuant la ville de Saintes, ya vn arc-

ca-

cade fort antique & remarquable, à vn costé duquel sont escrits ces mors.

Casari Nep. Diui Iulii Pontifici Auguri.

Et de l'autre costé y a encor plusieurs lettres, à demi effacees; d'où l'ô ne peut tirer aucune substance. Il y a aussi quelques ruines d'aqueducts à Saintes, & conduits de fontaines, qui conduisoient l'eau en la ville, qui furent iadis rompus.

L'an mil quarante sept, Gefroy Comte de Saintonge, & Agnes son espouse fonderent le Monastere des Religieuses de Saintes au nom de nostre Dame.

Le trétiesme Euesque de Saintes nommé Pierre de Confoulât, feit faire la maison Episcopale, en l'an mil cent deux, & feit aussi reedifier les murailles de l'Eglise Cathedrale.


DE


 DE LA VILLE DE
 BLAYE, ET DE CELLE
 de Bourg.

BLaye est vne place tresancié ne portant le titre de chasteau, premier que les François fussét habituez en Gaule; de laq̄l le place fut Seigneur ce fort & vaillant Pallatin Rollád, du réps de Charles le Grand, lequel Charles y feit bastir vne Eglise au nom de S. Romain.

Vers le port Saintongeois est aussi la ville de Bourg, assez belle & en bonne situation & forte.

DES



DES PLACES DE MARANS ET DE PONTS.

Marans n'est qu'un gros bourg deffendu d'un fort chasteau, par le milieu duquel passe un coulant d'eau de mer, & pource le lieu porte le titre du port de Marans,

A quatre lieuës de Saintes est la ville de Ponts, bastie comme en arcade, entant que posée sur une petite montaigne ou colline: elle couvre le sommet & pendant d'icelle. Au plus haut de laquelle est le chasteau, fortifié de bons murs, & bien fossoyé, qui est cause qu'on ne s'est soucié de fortifier la ville, au pied de laquelle passe la riviere de Seugne par trois diuers cours.

La

La ville de Ponts est diuisee en haute & basse ville, & celle partie qu'on nomme S. Viuian est maintenant presque deserte: par ce que les Iuifs s'y tenans iadis, & y ayans pendu vn Croisé del'Hospital, le Seigneur les ruina tous, s'as en auoir pitié quelconque. L'autre partie de la ville vers le Septentrion est dicte les Hairs & S. Martin, & est embellie de plusieurs Eglises, Conuents & lieux d'oraison, tels que les maisons des Iacobins, Cordeliers, (le Conuent desquels fut fondé par vn Seigneur du lieu nommé Regnaut, du temps de Charles cinquieme) les Moines de S. Benoist, & celui des Freres de s. Iean de Hierusalem (fondé par Guy d'Engoulesme) trois paroisses & trois hospitaux, d'ot y en a deux pour les estrangers, & vn pour ceux du pais, du reuenu duquel l'on auoit de

cou-

coustume d'entretenir les es-
choles.

L'estenduë de la iurisdiction
de Ponts est de cinquãte & deux
paroisses, deux cents cinquante
iefs nobles. Ceux de la maison
de Ponts en sont Seigneurs, les-
quels tiennent leur origine des
Ponces anciens Romains, & d'où
ladicte ville a son nom; comme
il se void plusieurs marques qui
en donnent tesmoignage, com-
me en des medalles de Bronze
trouuees en quelques murailles:
entre lesquelles y en auoit vne
sur laquelle estoit ces mots.

Ælius Pontius, Nepos Pomp.

Magn. Tumul.

V



FONDATION DE LA
VILLE DE S. JEAN
d'Angely.

Sainct Jean d'Angely est vne ville assez moderne, quoy qu'elle soit des principales, & plus grandes & mieux basties de Saintonge.

Cest place porte le nom d'une Abbaye qui y est fondee en l'honneur de s. Jean: dont la fondation est du regne du Roy Pepin, qui se tenoit au Palais Angerien (où l'on void qu'il n'y a changement que d'une lettre d'Angeri à Angeli) sur le fleuve de Bouronne, & au terroir d'Aulnis.

Il y eut quelques Religieux venans de la terre sainte lesquels aporтерent en ce lieu la le
chef

chef de S. Iean Baptiste, par la
 venuë desquels le Roy auoit
 obtenu vne grande victoire sur
 ses ennemis; qui fut cause que
 pour recognoissance d'vn tel se
 cours, il fonda au mesme lieu où
 estoit ce sien Palais Angerien,
 vne Abbaye au nom de S. Iean:
 & y establit des Religieux bien
 rentez, pour y seruir Dieu à per
 peruité.

Par ce moyen le peuple y abor
 dant, & faisant bastir à l'entour
 del'Abbaye; peu à peu on y feit
 vne ville, telle qu'on void à pre
 sent, laquelle porte le nom de S.
 Iean, & retient encor son ancien
 ne apellation.

Tout ceci aduint enuiron
 l'an de nostre Seigneur sept cets
 soixante huit; lors que Pepin
 auoit guerre contre Gaifer Roy
 d'Aquitaine: contre lequel il
 l'emporta la victoire, comme il


446 DESCRIPTION
est porté dans l'histoire de la fon-
dation de ceste Abbaye.

DE LA VILLE DE BAR-
besieux. |

BArbesieux est à neuf lieuës
de Saintes & à cinq d'Angou-
lesme, de Coignac & de Ponts. Et
est vne ville qui fut autresfois
fort belle & bien close de mu-
railles, ainsi que les ruines & re-
stes de murailles le demonstrent,
situee en país fort fertile, quoy
qu'elle soit esloignée de ruiè-
res.

En ceste ville y a deux paroï-
ses, l'une au nom de s. Ma-
thieu, iadis dediee à nostre Da-
me, l'autre dediee à s. Euma-
chie en latin *Imas*. Le Chasteau
est fort beau lequel fut rebasti
par l'ayeule d'un des Comtes de
Ro-

Rochefault , il n'y a pas long temps : d'autant que c'est de ceste maison que sont sortis les Seigneurs de Barbesieux. Il y a encor d'autres villes en Saintonge.



DV PAYS D'ENGOULESME.



Le pais Royal d'Engoulesme contient vingt quatre lieues de long, & seize de large, estant limité au leuant du Limosin , au Ponent de Saintonge, au midi du Perigort, & de partie du Saintonge, & au Septentrion du Poictou.

Les villes principales de ce pais sont Engoulesme, qui est la